



Aqqaluaq B. Egede, Inuit Ataqtigiit

Mittarfinnik allilerinissat pillugit §37 naapertorlugu apeqquteqaammut nr. 136 akissuteqaat

Brevdato: 24-06-2016
Sags nr.2016 - 8930
Dok. nr. 11304233

Aallarniutigalugu mittarfinnik allilerinissanut tunngatillugu apeqquteqaaternut, Inatsisartut suleriaasianni § 37 naapertorlugu nassiussimasarnut, qutsavigissavakkit. Akissuteqaammut matumunnga atugassatut Aningaasaqarnermut Aatsitassanullu Naalakkersuisumit, immikkut apeqqutinik 1-imut aamma 2-mut akissuteqaateqartumit, ilanngussassanik piniartoqarpoq.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Apeqquut 1.

Mittarfinnik sanaartornissaq qanoq aningaasalersorneqassasoq naalakkersuisut takorloorpaat?

Akissut:

Aningaasaqarnermut Aatsitassanullu Naalakkersuisup oqaatigaa: Sanaartornermut ingerlatseqatigiiffiup Aningaasaqarnermut Ataatsimiititaliamit akuerisaasup, Grønlands Lufthavne A/S, Ilulissani, Nuummi aamma Qaqortumi mittarfiit aallarfiusartut aamma miffiusartut nutaat aningaasalersornissaat sanaartorneqarnissaallu isumagisussaavai. Ingerlatseqatigiiffik siulersuisunit pikkorissuseqartunit aqunneqassaaq, aammalu aallarniutaasumik aningaasassat 200 mio. koruunit akiliutigineqassapput, Namminersorlutik Oqartussat 100 mio. koruunit tikillugit ingerlatseqatigiiffimmut akisussaassuilimmik taarsigassarsianik atugassiisinaanera periarfissaqarluni. Aningaasalersueriaaseq aaqquissuusaanerlu qanoq ittoq naleqqunnerpaajussanersoq, ingerlatseqatigiiffiup nammineerluni nalilersortussaavaa. Suliaqarnerup taassuma ingerlatseqatigiiffittut ilusilerlugu ingerlanneqarnerani iluaqtissartaasut Naalakkersuisut ataatsimiititaliamut nassuiarpaat. Ingerlatseqatigiiffik arlaatigulluunniit taarsigassarsisussaassasoq Aningaasaqarnermut Naalakkersuisoqarfiup naatsorsuutigimmagu, maannakkut taarsigassarsiaasuni taarsigassarsinermut piumasaqaatit isumaqatiginninniutigineqaqqinnissaat pisariaqartinneqarsinnaasoq, Naalakkersuisoqarfiup NIB-imut allakkani ulloq 15. marts 2016 oqariartuutigaa. Tamatumunnga pissutaavoq taarsigassarsiat sanaartornermut ingerlatseqatigiiffimmi taarsigassarsiaasut Nunap karsiata akiitsuinut ilanngaaseereermermi patajaallisagaasunut sunniisussaanerat. Aningaasaqarnermut Akileraartarnermullu Ataatsimiititaliap akuersissuteqarnissaa naatsorsuutigineqartoq tiguneqareerpat, NIB-imut isumaqatiginninniarnit ingerlateqqinneqassapput.

Apeqquut 2.

Aningaasalersuinissaq aalajangiunneqareersimappat aningaasat aalajangiunneqareersut qassiuppat?

Akissut:

Aningaasaqarnermut Aatsitassanullu Naalakkersuisup oqaatigaa:

Nuummi, Ilulissani aamma Qaqortumi mittarfinnut kiisalu mittarfinnut allanut allilerneqartussanut suliassanut siunnersuutini naammassisanik peqartoqanngimmat, Grønlands Lufthavne A/S qanoq annertutigisumik taarsigassarsinissamik pisariaqartitsinersoq Naalakkersuisut oqaatigisinnaangilaat. Sanaartornermut suliassat taakkua pisortat-namminersortut suleqatigiinnerattut (OPP) ilusilerlugu ingerlanneqarnissaannut periarfissaq sanaartornermut ingerlatseqatigiiffimmit misissorneqassaaq, aammalu tamanna pillugu isumaqatigiissuteqarnerit soorunami taarsigassarsinissamik pisariaqartitsineri sunniisinnaassapput.

Apeqqu 3.

Mittarfiit sanaartornissaannut pilersaarusiornissaanullu, aamma suliariumannittussarsiuussinerit suliniutillu aqunneqarnissaannik akisussaasunik, suliffeqarfinnik ingerlatseqatigiiffinnik aqutsisussanilluunniit aalajangiisoqarsimappat kikkuuppat?

Akissut:

Naalakkersuisut Nuummi, Ilulissani aamma Qaqortumi suliassanut, isumassarsianut isummernissamut tunngavissiamik ilusilersuinissamut aammalu 2016-imi aasaanerani misissueqqaarnerit pisariaqartut suliarinissaannut kiisalu sanaartornermut pisussanut pilersaarutiniq suliaqarnissamut, suliffeqarfik siunnersuisarfik Inuplan A/S suliakkerpaat. Tasiilami aamma Ittoqqortoormiini mittarfinnut suliassanut marlunnut taakkununga, Naalakkersuisut aallarniutaasumik Island-imiut siunnersuisarfiat Mannvit suliassat qulaajaaviginissaannut atorpaat. Tamatuma saniatigut pisariaqarsimatillugu suliassat ilaannik aalajangersimasunik qulaajaanissamut pilersuisuusut assigiinngitsut Ineqarnermut, Sanaartornermut Attaveqatigiinnermullu Naalakkersuisoqarfiup kiisalu siunnersortit ilaannikkooriarlutik atortarpaat.

Apeqqu 4.

Mittarfinnik sanaartornissat imaluunniit sanaartugassanik mittarfinnut tunngasunik aningaasaliisoqareersimappat suut aningaasaliiffiqareerpat?

Akissut:

2016-imut Aningaasanut inatsit, konto 87.11.09 "Assartuussineq pillugu Isumalioqatigiissitaq – misissueqqaarnerit (Sanaartornermut aningaasaliissutit)" naapertorlugu mittarfinnut suliassanut sanaatornermik pilersaarusiornissamut 15 mio. koruunit aningaasaliissutigineqarput.

Aningaasaliissutit suliassanut Assartuussineq pillugu Isumalioqatigiissitap isumaliutissiissutaani sammineqartunut matussutaasussaapput, aammalu ukiuni kingulliunerusuni imatut allanngoriartorsimallutik:

2012: 5 mio. kr.

2013: 5 mio. kr.

2014: 5 mio. kr.

2015: 10 mio. kr.

2016: 15 mio. kr.

Tamatuma saniatigut 2016-imut Aningaasanut inatsimmi, kontumut pingaarnermut 72.26.02-imut oqaasertaliussaq nr. 5-imi allassimavoq, Illuut A/S avataaniit aningaasalersuutissat atorlugit Nuummi terminalip illutassaanik nutaamik sanatitsinnaasoq.

Aammattaaq aningaasanik Sikuki Nuuk Harbour A/S-imut aammalu umiarsualiveqarnermut suliassaqaarfimmi suliassanut allanut, kiisalu suliassaqaarfimmut tamarmut, soorlu timmisartumik angallanneq, umiarsualiviit aamma imarsiorneq, suliassanut allanut, atuisoqarpoq.

Apeqqut 5.

Mittarfiit pillugit Pilersaarutit ingerlanneqarnerini aningaasartuuteqaarfiusut suuppat aamma qanoq aningaasartuuteqaarfiutigippat?

Akissut:

Aningaasanut inatsimmi konto 87.11.09-imut aningaasanit aningaasaliissutigineqartunit, 2012-imiit 2016-imut mittarfiit sanaartornissaannut pilersaarusionermut atatillugu aningaasat makkua akilerneqarput:

Nuummi Mittarfik:	1.763.147 kr.
Ilulissani Mittarfik:	310.000 kr.
Qaqortumi Mittarfik:	3.804.127 kr.
Tasiilaq aamma Ittoqqortoormiit:	7.287.592 kr.

Kisitsisit tamakkiisumik paasineqarnissaat eqqarsaatigalugu ilanngullugu oqaatigineqassaaq Integra 2013-imi aamma 2014-imi Qaasuitsup Kommunia sinnerlugu Ilulissani misissueqqissaarnernik annertunerusunik suliaqarsimammat, aammalu taakkua ilisimasanut tunngaviusussanut allattuiffimmi ataatsimoortumi ilaatinneqarput. Tassunga ilanngutissapput aningaasartuutissat naatsorsuutigineqartut arlallit, tassami 2016-imi aasaanerani misissueqqaarnernik annertuunik, juunip qiteqqunnerani aallartinneqartussatut naatsorsuutigineqartunik, suliaqartoqartussaammat.

Aammattaaq Nuummi, Ilulissani aamma Qaqortumi mittarfinni pilersaarusionernik suliaqarnerit pingasut taakkua sularineqaleruttorput, taakkualu pilersaarusionermik suliaqarnerit siuariartorlutik ingerlanerat ilutigalugu akiligassiissuteqaarfigineqartartussaallutik.

Apeqqut 6.

Mittarfiliornissaq siunertaralugu suliart aporfeqaarsimappata aporfiit suuppat?

Akissut:

Mittarfinnut suliassanik taamatut annertussusilinnik suliaqarneq, suliap pissusissamisoornerani suliassaapput annertooujussuit, kisianni maannamut suliap ingerlanerani ajornartorsuutininik saqqummertoqanngilaq, suliassat taakkua sanaartornermik suliassanit annertoorsuarnit allanit allaanerullutik.

Apeqqut 7.

Silap pissusaannik misissuinerit ingerlanneqarsimappata kikkut misissuinermik ingerlatsisuuppat qangalu aallartippat aamma qaqugu naammassissappat?

Akissut:

Naalakkersuisoqarfiup sumiiffinni assigiinngitsuni pisariaqartitsineq suli misissorpaa.

Silap pissusaata allanngoriartorneranut tunngatillugu, siunissami nunap qeriuannartup qaleriiaarnerisa aakkiartorsinnaanerannut tunngasut isigalugit, Ilulissani mittarfik

eqqorneqarsinnaavoq. 2016-imi aasaanerani Ilulissani, Nuummi aamma Qaqortumi nunami teknikkikkut misissueqqaarnerit annertuut suliarineqarnissaat pilersaarutaavoq.

Tamatuma saniatigut Naalackersuisoqarfiup Tasiilami silasiorfimmik ikkussinissaq pilersaarutigaa, tassani suliaqarneq Asiaq-mit ingerlanneqartussaassasoq eqqarsaatigineqarluni.

Tamatuma saniatigut siusinnerusukkut misissuinerit Nuummi, Ilulissani aamma Qaqortumi normui tulleriinnilersorlugit misissueqqissaarnernut, Qaqortumi aalaruluttarnermut tunngasunut aamma Nuummi anorimut sulluliamik misiliinermut, tunngassuteqartut atorneqarsinnaallutik pigineqarput.

Aasaanerata ingerlanerani misissueqqaarnerit allat arlallit, silap pissusaanut aamma silamut tunngassuteqanngitsut, suliarineqartussaapput.

Apeqqut 8.

Ilumoorpa suliamik piviusunngortitsiniartussanik suliffeqarfinnik suleqateqartoqalereersimasoq? Kikkuuppat?

Akissut:

Matumuuna apeqqummut 3-imut akissuteqaat innersuussutigissavara.

Naalackersuisut Inuplan Nuummi, Ilulissani aamma Qaqortumi sanatitsisumut siunnersortitut suliakkerpaa, kiisalu Mannvit ikiorsiullugu Tasiilami aamma Ittoqqortoormiini suliaassat qulaajaavigisimallugit. Suliffeqarfiit siunnersuisarfiusut pineqartut taakkua tamatuma saniatigut nikerartunik pilersuisuusunik atuisarsimapput. Maannakkorpiaq suliffeqarfinnik, sanaartornermut suliaassarpianik suliarinnittuusussanik, toqqaasoqarsimanngilaq imaluunniit suliakkiussisoqarsimanani. Sanatitsisumut siunnersortimik kiisalu siunnersortit ataanni siunnersortaasussanik atuinissaq aammalu tamakkiisumik imaluunniit immikkoortukkaartumik suliarineqartussatut suliaassanut neqeroortitsinissaq Grønlands Lufthavne A/S nammineerluni aalajangiiffigisussaavaa

Neriutigaara matuma siulianiittut apeqquternut tamakkiisumik akissutaasimassasut.

Inussiarnersumik inuulluaqqusillunga

Knud Kristiansen